

INTERNACIA FERVOJISTO



ORGANO DE I.F.E.F.
INTERNACIA FERVojISTA ESPERANTO-FEDERACIO

32a jaro

Januaro-Februaro 1980

N-ro 1



HET MEERDAL
32-a IFEF - kongresejo

ĈU IFEF MALRESPEKTAS LA FISAIC-STATUTON?

La "Svisa Fervojisto" de dec. 79 prezentas bone verkitan raporton de Kurt Greutert pri la aŭtuna ĝeneralkunveno de la FISAIC en Svisio. Fine de la raporto ni legas: "Oni plendas, ke IFEF-prezidanto Giessner jam plurfoje ne respektis la necesajn limdatojn por postuli konsenton antaŭ transdono de FISAIC-medaloj. Per tio li malebligas demokratiajn decidojn. La FISAIC-estraro estonte ne plu toleros esceptojn."

Ŝajnas esti necese iom klarigi la situacion. La faktoj estas jenaj:

- La unua IFEF-kongreso, kiu oficiale okazis sub aŭspicioj de la FISAIC estis 1967 en Fulda. Tiam la FISAIC-prezidanto d-ro Schlessler la unuan fojon distingis 3 meritplenajn IFEF-anojn per FISAIC-medaloj.
- La FISAIC-statuto en sia regularo al paragrafo 14 antaŭvidas medalojn principe por konkursoj kaj ekspozicioj, sed ne pro meritoj. Tamen siatempe FISAIC kaj IFEF interkonsentis (ĉar IFEF ne povas okazigi resp. konkursojn), ke ankaŭ IFEF-anoj kun meritoj ĉefe sur internacia nivelo ricevu medalojn.
- Sekve en la protokolo de la FISAIC-ĝeneralkunveno de Lunteren (1970) estas fiksita, ke la esperantistoj estonte (ek de 1972) por periodoj de po 3 jaroj havu rajton je 3 medaloj (po 1 ora, argenta, bronca). Sekvas la frazo: "La decido oni lasos al la prijuĝo de la IFEF-estraro" -

(franca teksto: "leur octroi étant laissé à l'appréciation du Comité de l'IFEF"). Oni nek postulis, ke por ĉiu medalo estu sendata al la FISAIC aparta petskribo nek tempolimojn.

- La IFEF-estraro konsekvence regule en sia aŭtuna kunveno decidis ĉu aŭ ĉu ne en la venonta kongreso okazu distingo kaj poste sendis leteron al la ĝenerala sekretario de la FISAIC kun peto, enmanigi la medalon kaj dekretan al la sekretario de IFEF. Same ni petis la FISAIC, sendi reprezentanton por digne transdoni la medalon. Krome la resp. IFEF-landa-asocio estis petita pro konsento kaj sciigi la planon al sia propra FISAIC-sekcio, kiu ja ĉiam konas la distingotan personon.
- Por certigi, ke nur vere meritplenaj IFEF-anoj povas ricevi tian medalon, la paragrafo 3 de la IFEF-statuto enhavas resp. preskribojn.
- La afero funkciis ĝis 1975. Tiam evidentiĝis en voĉdonado de FISAIC-ĝeneralkunveno pri medaligo, kiun origine ne estis proponinta la IFEF-estraro, ke por la deligitoj en tia kunsido, kiuj tute ne konis la distingotan esperantiston, simple ne eblis havi klaran opinion. La (laŭ ni sufiĉe hontinda) rezulto de la voĉdonado estis por la propono 6, kontraŭ 2, sindetenoj 5.
- Por eviti ripetadon de tia malagrablaĵo, la IFEF-prezidanto sub dato de 22.3.76 sendis leteron al la ĝenerala sekretario de la

FISAIC kun la peto, ne postuli, ke IFEF por ĉiu unuopa medaligo denove formale devas sendi petskribon, ĉar laŭ protokolo de Lunteren ja la IFEF-estraro respondas, kaj oni povas eviti superfluan administran laboron. Krome - kaj tio ŝajnas al ni la plej grava punkto - oni ne povas postuli de la FISAIC-delegitoj, ke ili voĉdonas pri la meritoj de personoj, kiujn ili tute ne konas. Tiu letero bedaŭrinde neniam estis respondita. Sekve IFEF daŭrigis kiel antaŭe, petante la medalon en la vintro antaŭ la IFEF-kongreso.

- Novaj malfacilaĵoj ekestis en Turku 1979, kie samtempe kun nia kongreso okazis la prezidantara kunveno de la FISAIC. Tie oni komprenigis al la IFEF-prezidanto, ke por medaligo necesas antaŭa konsento de la ĝenerala kunveno de la FISAIC, kiu regule okazas en aŭtuno. La tagordon por tiu kunveno preparas la antaŭa prezidantara kunsido, regule en printempo. Ties tagordo estas starigata komence de printempo. Sekve la antaŭa estrarkunsido de IFEF, regule en aŭtuno, devus decidi pri medaligo, kiu fakte antaŭvidigas por kongreso 1 1/2 jarojn poste, nur por povi sufiĉe frue envicigi ĝin en la FISAIC-tagordojn. Tio plej ofte simple ne eblas.

- Sub dato de 4.8.79 la IFEF-prezidanto pro tio denove skribis al la ĝenerala sekretario de la FISAIC en simila senco kiel ĉi-supre priskribita kaj precipe substreki, ke laŭ nia opinio la protokolo de Lunteren donis blokan ĝeneralan konsenton favore al decidraĵo de la IFEF-estraro. Krome li akcentis, ke pro la longegaj tempolimoj medaligoj estonte ofte estos malhelpataj. Ankaŭ tiu letero ĝis nun ne estas respondita.
- Sed venis la protokolo de la prezidantara kunsido en Turku, en kiu la FISAIC denove postulas la supre menciitajn limdatojn.

La protokolon de la ĝenerala kunveno en Svisio ni ankoraŭ ne ricevis. El la raporto de Greutert ni tamen devas konkludi, ke simila opinio estos legebla en ĝi. La supraj detaloj klare montras, ke la IFEF-prezidanto - kiu ja nur agas kiel reprezentanto de IFEF - faris ĉion, por krei klaran situacion. En Ameriko ni sendube denove devos trakti tiun ĉi problemon, bedaŭrinde.

Giessner
prezidanto

NI DENOVE BONVENIGAS BULGARION

Laŭ interkonsento inter la prezidanto de IFEF kaj la nova prezidanto de la Fervojista sekcio ĉe Bulgara Esperantista Asocio, s-ro Marin Marinov, la IFEF-kasisto en aŭgusto 1979 ricevis kotizojn por provizore 20 bulgaraj membroj por 1979 kaj 1980. Sekve la decido, formulita en la kongresprotokolo de Roma sub pkt. 6 nepublika kunsido, laŭ kiu la membreco de Bulgario ripozas, ne

plu validas. Ni ĝoje povas konstati, ke ekde septembro 1979 denove ekzistas landa asocio Bulgario en IFEF. Ĝia oficiala adreso estas: Bulgara Esperantista Asocio por Fervojista Esperanto-sekcio PK 66, Sofia. Ni diras "Bonvenon" kun la espero je baldaŭa revido en kongreso.

estraro

INTERNACIA FERVOJISTA ESPERANTO-FEDERACIO

Sekretariejo: E. Kruse, Wienerstr.121, D-6000 Frankfurt/Main 70
Redaktoro: Guy Delaquaize, 52, rue L.-Gandillet, F 78420 Carrières/Seine
Bankkonto: Provinsbanken, Konto 7353-350550, DK 9800 Hjørring.

32a IFEF KONGRESO EN NEDERLANDO

16a - 22a de majo 1980

Adreso de LKK: 32a IFEF-kongreso, Julianaplein 2, NL-1097 DN Amsterdam

Vidu ankaŭ la informojn en IF n-roj 5 kaj 6/1979.

Kotizo. Ĝis la 1-a de marto la kongreskotizoj restos gld. 60.- resp. 30.- kaj 75.-. Ĝis la fino de la jaro 1979 aliĝis 250 kongresanoj. Ni rezervigis sufiĉe da bangaloj por loĝigi certe ankoraŭ ĉirkaŭ 100 partoprenantojn. Aliĝu antaŭ la 1-a de marto kaj legu bone la aliĝilon! Sendu prefere la monon pere de poŝta servo al nia poŝtĉekkonto n-ro 4182633. Sendado pere de bankĉeko kostas tempon kaj monon!



Unu bangalo por la kongresanoj

Vojaĝeblecoj. La stacidomo Horst-Sevenum situas sur la linio Venlo-Eindhoven; haltas nur la ordinara trajnoj, kiuj forveturas dum la tuta tago ĉiuhore ek de Venlo je -56' kaj ek de Eindhoven je -57'; veturdaŭro Venlo ĝis Horst-Sevenum 9 minutoj kaj de Eindhoven ĝis Horst-Sevenum 26 minutoj.

Alveninte el FRGermanio laŭ la limstacio Kaldenkirchen oni atingas Venlo je pr. 20 min. post la horo: oni trapasu la doganejon kaj atendu la trajnon forveturontan je -56' en la direkto Eindhoven (-Hago).

Dum la tuta tago je vendredo la 16-a de majo kunlaboranto de LKK ĉeestos en la stacidomo de Venlo kaj kompreneble ankaŭ en Horst-Sevenum.

Alveninte el Belgio (Francio, Hispanio, parte Italio) oni povas vojaĝi tra la limstacioj (Liège, Visé) Maastricht aŭ tra (Bruselo, Antverpeno, Essen) Roosendaal.

Tra Roosendaal estas la plej grava trafiko. Ĉiuj rektaj trajnoj de Parizo al Nederlando veturas laŭ la vojo Bruselo-Roosendaal.

Precipe grava estos la trajno n-ro

283, kiu forveturos ek de Parizo Norda stacidomo je 10.30 h. kaj alvenos en Roosendaal je 14.34 h. Ĉar ni supozas, ke la hispana karavano vojaĝas per tiu trajno, LKK-kunlaboranto ĉeestos en Roosendaal por akompani la grupon! Oni forveturos ek de Roosendaal je 14.54 h. al Breda (alveno 15.12 h). Ek de Breda la karavano vojaĝos per trajno 2521 (al Kolonjo) f. 15.40, kiu eksterordinare haltos en Horst-Sevenum je 16.55 h. Alveninte per aliaj trajnoj en Roosendaal oni vojaĝu al Breda (f. -43') kaj en Breda oni prenu la ordinaran trajnon al Venlo, kiu forveturas ĉiuhore je -04' kaj alvenos en Horst-Sevenum post 79 minutoj je -23'.

Vojaĝante laŭ Maastricht oni trajnasangu en Maastricht kaj en Eindhoven aŭ en Maastricht, Roermond kaj Venlo. Alvenas en Maastricht nur unu rekta trajno el Italio, Francio: trajno 296 de Genova-Milano, Basel-Strasburgo-Metz-Luksemburgo-Liège, Maastricht a. 15.21 h. Tra Roermond kaj Venlo oni atingos Horst-Sevenum je 17.05 h.

Du ĝeneralaj rimarkoj:

1. Pro la fakto ke nun ankaŭ FRGermanio enkondukos la someran horindikon la horartabelo ne ŝanĝiĝos antaŭ la 31-a de majo (do ankaŭ post la 6-a de aprilo nenio

ŝanĝiĝos).

2. Se vi havas demandojn pri via vojaĝo, turnu vin ĝustatempe al LKK.

Relegu la komunikojn en IF n-roj 5 kaj 6/1979.

LKK

LA REGIONO DE NIA 32-a IFEF-KONGRESO

America situas en pejzaĝo kun la nomo "De Peel". "Peel" estas malseka torfmarĉo. Tiu regiono etendiĝis laŭ 50 km-oj de la urbo Weert en la sudo ĝis la urbeto Grave ĉe Mozo en la Nordo; la limo inter la provincoj Noord-Brabant kaj Limburg estas meze en tiu regiono. Sed hodiaŭ kompreneble ni parolu pri la eks-torfmarĉo, ĉar dum la lasta jarcento ĝi aliĝis en erikejoj kaj en arbaroj aŭ agrikultura tero.

La estiĝo de torfmarĉo komenciĝis pr. antaŭ 8000 jaroj; grandan influon dum la diversaj geologiaj epokoj havis la ambaŭ riveroj Mozo kaj Rejno. Pro multjara "raba" kultivado en la arbaroj, ĉi tiuj arbaroj malaperis kaj altiĝis en erikejoj kun ŝafoj, kiuj sterkigis ĉiam la grondon. Sed pr. je 1900 pro la uzado de artefarita sterko la ŝafoj malaperis, sed ankaŭ la "sovaĝaj" grundoj. Post la jaro 1900 la rekultivado de arbaroj komenciĝas. La grandaj, silentaj erikejoj malaperis, sed tamen nuntempe ĉi tie ekzistas belegaj rekreaciaj terenoj por promenadoj ktp. Pri la torfmarĉo ankoraŭ restis du originalaj restaĵoj, kiuj estas viziteblaj: la "granda Peel" (apud Asten) kaj "Mariapeel" en la komunumo Horst pr. 10 km-oj for de America.

Ĉu vi sciis, ke la estiĝo de torfo okazis pere de la malgranda muskovario kun la latina nomo "Sphagnum"?

Nur ek de la 15-a jarcento oni elfosis la torfon; sed nur tiom kiom oni bezonis por la enloĝantoj de la regiono mem. Grandskale i.a. por eks-

portado, la ekspluatado nur bone komenciĝis ĉirkaŭ la jaro 1850! Oni fosis kanalojn tra la tuta tereno per kiuj la ŝipoj facile povis atingi ĉiujn lokojn. En la jaro 1866 la fervoja linio Eindhoven-Venlo estis preta, kaj la stacio Helenaveen ekspedis multfoje 100 vagonojn en unu tago kun torfaĵo! Tio estas pasinteco! Kio restis estas la t.n. nigra torfmarĉo, produkto ege taŭga por la kulturo de ĉampinonoj. Pro tio oni trovas en la regiono America/Horst multajn kultivejojn por ĉi tiuj fungoj. Tuj apud nia bangalaro t.n. provstacio por ĉi tiu kulturo troviĝas; ĝi estas vizitebla.

Je distanco de pr. 15 km-oj sud-oriente de Horst troviĝas la urbo Venlo apud la limo kun FRGermanio. Ĝi estas grava fervoja nodo: orienten la linio al Kolonjo, okcidenten al Eindhoven (-Breda, Rotterdam, Hago), norden al Nijmegen (-Arnhem), suden al Roermond (-Maastricht).

La plej granda parto de la fervoja vartransporto inter la mondhaveno Rotterdam kaj FRGermanio okazas laŭ la limstacio Venlo. Ĝis la dua mondmilito Venlo eĉ havis du fervojajn liniojn al FRGermanio: tra Kaldenkirchen al Mönchen=Gladbach-Kolonjo kaj tra Straelen al Krefeld-Duisburg. Venlo kun la antaŭurbo Blerick situas sur la bordoj de la rivero Mozo: ĝi estas komerca kaj kultura centro de la regiono. Ĝi posedas belegan urbdomon el la 17a jarcento kaj modernan trafikliberan butikkvartalon.

Okcidente de Horst troviĝas la pli granda urbo Eindhoven je distanco

de pr. 40 km-oj. Eindhoven estas la urbo de Philips kaj pro tio ofte nomita lumurbo. La nuna mondkoncerno de Philips estis fondita en Eindhoven en la jaro 1891. La fondinto estis la bankisto F. Philips, sed estis lia filo ing. Anton Philips, kiu sukcesis disvastigi la modestan fabrikon (26 laboristoj) ĝis la mondvasta konzerno de hodiaŭ. En ĉi tiu urbo troviĝas "Evoluon", konstruaĵo fondita en la jaro 1966, en kiu estas permanenta ekspozicio por montri la rilatojn inter la homo kaj la teknikaj eblecoj. La konstruaĵo similas flugantan pladon sur 12 V-formaj pilonoj. La urbo Eindhoven (185.000 enloĝantoj) estas moderna urbo; forlasinte la (ankaŭ modernan) stacidomon oni troviĝas en tute nova butikkvartalo kun grandaj magazenoj kiel ekzemple "Bijenkorf". Ankaŭ Eindhoven estas grava fervoja nodo kun rektaj trajnoj al: Maastricht, Venlo (-Kolonjo), Utrecht-Amsterdam, Rotterdam-Hago. Sur ĉiuj linioj veturas minimume du trajnoj ĉiuhore (al Utrecht: 4), sed por atingi Horst-Sevenum oni povas preni nur la ordinarnajn trajnojn, kiuj forveturas je -57', ĉar la trajnoj je -27' estas rektaj trajnoj al Kolonjo kaj ne haltas en Horst-Sevenum.

Dum la kongreso vi certe havos la okazon viziti la urbon Eindhoven.

Wim L. van Leeuwen

EKSKURSOJ EN LA 32-a IFEF-KONGRESO

Duontagan ekskurson ni faros al la Evoluono en Eindhoven. Tiuj, kiuj ne deziras viziti la Evoluonon tamen povas partopreni la ekskurson al Eindhoven kaj tie vagi tra la granda urbo kaj eventuale butikumi. Tiuj ĉi partoprenantoj ne bezonas pagi la enirprezon de la Evoluono.

La Evoluono estas malgranda mondmirindaĵo.

Esti mirigata pri kio la homo povas elpensi; travivi la rezultojn de la moderna scienco, promenadi tra la rimarkinda mondo de la ŝvebanta Evoluono...

Unika spektaklo.

Kio estas la Evoluono? Ĝi estas ekspozicio dediĉita al la homa sagaco, la evoluado de Scienco kaj tekniko en nia rapide ŝanĝanta socio. Ĝi estas impona spektaklo de sono, koloro kaj movo. Tamen, ĝi estas alia ol vi imagas. Ne necesas nur rigardi kaj aŭskulti; laŭdezire vi povas ankaŭ "ludi", mem eksperimenti kaj funkciigi aparatojn. Vi povas ekzemple testi vian memorkapablon kaj re-

akci-rapidecon kaj mem labori per komputero. Multe, tre multe vi povas travivi en la Evoluono. Kunportu viajn foto- kaj filmaparatojn, ĉar vi povas ilin intense uzi: Estos neforgesebla posttagmezo!

La Evoluono paŝon post paŝo.

Kompreneble vi povas rigardi la Evoluonon laŭ via propra maniero kaj plaĉo. Unue vi povas kvazaŭ sencele iome rondvagadi helpe de vojmontrilo ricevebla senpage en la informejo. Vi povas preni el ĝi la temojn pri kiuj vi speciale interesiĝas aŭ sekvi niajn gvidantojn:

- La apero de la homo sur la tero kaj la sekvoj de tio. La troloĝateco. La daŭre pliakceliĝanta ŝanĝo de nia socio.
- Nia mondo. Problemoj kaj eblaj solvoj, polucio, nutraj-produktado, trafiko kaj komunikado, loĝado kaj urbokonstruado.
- Scienca esplorado, bazo por novaj evoluoj.
- Aplikado de la scienco sur la te-

- reno de lumo, sono, elektroniko, krudmaterialoj kaj fabrikado.
- La rolo de la industrio en la evoluado de nia socio. La homo en la entrepreno.
- "Preludo de la Tekniko", scienco kaj tekniko ludeme tuŝita.
- La biblioteko kaj la ĉiutagaj film-prezentadoj.

VI ESTAS KORE BONVENA.

Ero el la ekspoziciaĵo.

La mondo, nia mondo. Ni staras antaŭ figurado de la historia evoluado de la tero sur kiu ni vivas. Tiu tero ekhavis nur post miloj da jaroj sian nunan formon. En komparo kun tiu longa tempo de ĝia ekzisto, pasis nur mallonga tempo ke vivantaj estaĵoj aperis

sur la tero. La unuaj homoj aperis en ankoraŭ multe plimalfrua tempopunkto sur la teron. En la historio de la tero aperis la unuaj homoj en la plejlasta momento.

Io pri la ĉeesto de homoj - en por niaj ideoj malproksima pasinteco - montriĝis el hieroglifoj en rokojn gravuritaj kaj el kelkfoje trovitaj bildetoj de fekundec-diinoj, de kiuj vi ĉe la dekstra flanko povas vidi muldajon kaj ege pligrandigitan modelon.

La diverseco laŭ formoj kaj koloroj de plantoj, bestoj kaj eĉ de materioj, kiujn ni kalkulas al la senviva naturo, estas surpriza. Plej okulfrapa eble estas la senco por ordo kaj regulecaj formoj, kiujn ni trovas en la naturo kaj de kiuj vi povas trovi dekstraflanke kelkajn ekzemplojn en la vitraj ŝranketoj antaŭ la granda foto-vando.

KONGRESPROPONOJ

Propono n-ro 1.

La IFEF-estraro petas decidon de la komitato, ĉu la membreco de la rumana landa asocio en IFEF ankoraŭ daŭru aŭ ne.

Komentario. Ekde 1969 ekzistas rumana landa asocio de IFEF. La kotizojn ĉiam pagis adoptantoj el diversaj landoj. Dum jaroj la estraro kaj aliaj personoj klopodis trovi solvon, laŭ kiu la rumana kolegoj povus pagi mem siajn kotizojn. Bedaŭrinde ni neniel povis konstati pozitivan reagon spite al oftaj skribaj admonoj, en 1979 trifoje. La estraro opinias, ke ne por daŭro landa asocio povas ekzisti ekskluzive per adoptaj kotizoj kaj sen videbla volo, mem almenaŭ partopreni en la pagado. Pro tio ni esploru, ĉu paraĝrafo 10(2d) de la statuto estu aplikata.

Propono 2.

Por akiri plijuniĝon de nia federa-

cio, AFEF proponas:

Ĉiu landa sekcio de IFEF subtenu laŭeble finance 3-5 gejunulojn (ĝis 28 jaroj), por ebligi al ili la partoprenon de la kongresoj. Por la decido ne estu kondiĉo, ke ili jam (flue) parolas Esperanton.

Komentario: Ne estas solvo proponi, ke la junularo - se la kongresoj estas tro multekostaj por ili - simple ne partoprenu kaj elektu TEJO-tendaron ktp. Tiamaniere ni riskas, ke en proksima estonteco la junularo tute mankas en niaj vivoj. La plenumo de la kongrespropono celas altiri kunlaborantojn por IFEF.

Propono n-ro 3.

Komitatano L. de Sutter (Belgio) en sia funkcio kiel ĉefkomitatano proponas:

Reelekti la ĝisnunajn estraranojn J. Giessner (prezidanto), H. Hauge (ka-

sisto) kaj G. Delaquaize (redaktoro). De ili ne venis demisioj. Tiamaniere ni dankos ilin pri la ĝisnunaj fruktedonaj servoj.

Propono n-ro 4.
Komitatano L. de Sutter (Belgio) proponas elekti la kolegojn Per Engen (Norvegio) kiel vicprezidanton kaj E. Henning Olsen (Danio) kiel sekretarion de IFEF. Vivpriskribojn vidu aliloke.
Komentario. La nunaj vicprezidanto W. van Leeuwen kaj sekretario E. Kruse laŭstatute deklaris siajn demisiojn. Jam en la kongreso de Romo kaj Turku kaj laste per cirkulero, oni atentigis la komitaton kaj landajn asociojn pri tiu fakto. Krom la du proponitaj kolegoj neniu alia persono deklaris sin pre-

ta kandidatiĝi por unu el tiuj du oficoj.

Propono n-ro 5.
Komitatano G. Ritterspach proponas: La Regularo por la Terminara Komisiono (Aldono IV de la Statuto) estu kompletigata per jenaj aldonoj:
(3) g) eldoni laŭbezzone internacian komunikilon "Terminara Kuriero" (Te Ku).
(4) c) redaktoro de la Terminara Kuriero (Te Ku); nuna c) fariĝu d).
(6) La unua frazo tekstu: "La elekto de la gvidanto, de la sekretario kaj de la redaktoro de Te Ku okazas ..."
(11) je la fino oni aldonu "... aŭ en la Terminara Kuriero".

La ĉefkomitatano
Lucien de Sutter

TAGORDOJ POR LA KUNSIDOJ DE LA 32a IFEF-KONGRESO

Kunsido Estraro/komitato (nepublika)

1. Malfermo, konstato mandatoj
2. Diskuto estrarelekto
3. Honorigoj
4. Diskuto kongresproponoj
5. Diskuto Budĝeto 1981
6. Situacio en diversaj landoj
7. Diskuto pri venontaj kongreslandoj
8. Eksteraj rilatoj
9. Eventualaĵoj

Plenkunsido en 2 partoj (publikaj)

1. Malfermo, konstato mandatoj
2. Ricevitaj telegramoj, leteroj
3. Raportoj estraraj
 - 3.1 de sekretariino
 - 3.2 de redaktoro
 - 3.3 de kasisto
4. Protokolo Turku
5. Raporto pri la komitata laboro
6. Resumo pri raportoj landaj asocioj

7. Raportoj de komisionoj resp. komisiitoj
 - 7.1 Terminara Komisiono
 - 7.2 Fakprelega Komisiono
 - 7.3 Historio-Komisiono
 - 7.4 Koresponda Servo
 - 7.5 Komitatano A de UEA
8. Estrarelekto
9. Rilatoj al aliaj organizoj
 - 9.1 UEA - UK Stokholmo, nova statuto
 - 9.2 FISAIC
10. Kongresproponoj
11. Budĝeto 1981 kaj kotizkonfirmo
12. Elekto de revizoroj
13. Laborplano
14. Venontaj kongresoj
 - 14.1 Elekto de loko por 1981
 - 14.2 Elekto de lando por 1982
 - 14.3 Diskuto pri postaj ebloj
15. Internacia Skisemajno 81
16. Libera diskutado

Kunsido de la Fakprelega Komisiono

1. Raporto pri la pasinta jaro
2. Organizo kaj aranĝo de fakprelegoj.
3. Regularo kaj Gvidlinioj por okazigo de fakprelegoj.
Ĉu io aldonindas?
4. Prelegotemoj kaj kunhulpantoj por la venontjaraj kongresoj
5. Libera diskutado
Gunnar Thuesen, gvidanto

Kunsido de la Historio-Komisiono

1. Raporto de la gvidanto
2. Diskuto pri la ĝisnuna laboro
3. Diskuto pri la taskoj de la venonta jaro
Joachim Giessner, gvidanto

Kunsido de la Terminara Komisiono

1. Raportoj pri
 - la traduklaboro laŭ LG II
 - la eldonado de dulingvaj terminaretoj kaj intern. reglamentoj
 - la redaktado de Te Ku
 - la reviziado de fakprelegoj
2. Difino de la sekvontjara traduklaboro
3. Ritraktado de dubaj terminoj

Gernot Ritterspach, sekretario

Komplila ĉefkomitatano
Lucien de Sutter

RAPORTO DE LA KASISTO 1979

Enspezoj:	d kr	Elspezoj:	d kr	Membrostato		
Kotizoj	29521,82	Int. Fervojisto	22795,39	Lando	1979	1978
Rentumoj	598,57	Estraraj kunsidoj	3275,08	Aŭstrio	202	202
Junulara fond.	669,55	Administrado	2989,05	Belgio	50	50
	30789,94	Kotizoj UEA, SAT	383,97	Britio		64
Plielspezoj	278,95	Reprezentado	955,85	Bulgario	20	
	31068,89	Junulara fond.	669,55	Ĉeĥoslovakio		60
			31068,89	Danio	75	75
				Finnlando	29	23
Bilanco je la 31.12.1979				Francio	403	403
Aktivoj:		Pasivoj:		Germanio	821	821
Kaso	4089,06	Kongresa fond.	11162,27	Hispanio	146	202
Poŝtgiro	2184,86	Junulara fond.	669,55	Hungario	201	201
Konto Hjørring	2090,50	Havaĵo		Italio	133	130
Konto Praha	2828,47	1.1.79.	23586,85	Japanio		25
Konto Romansh	23945,83	Malpliigo	278,95	Jugoslavio	60	60
Inventaro	1,00	Havaĵo 31.12.79	23307,90	Nederlando	60	75
	35139,72		35139,72	Norvegio	50	50
				Pollando	20	
Tolne, la 11.2.1980		Århus, la 13.2.1980		Rumanio	20	20
La kasisto:		La revizoroj:		Svedio	140	138
				Svislando	79	90

W. Kruse

*Arvid Kruse
Anders Kruse
Frede R. Jansen.*

PRESENTADO DE LA VICPREZIDANT-KANDIDATO

Per ENGEN



Per ENGEN naskiĝis 01.06.1924 en Hokksund (Norvegio). Li komencis kiel aspiranto ĉe la Norvegaj Ŝtataj Fervojoj en jaro 1942, kaj li trapasis la diversajn deŝtatorojn en la funkcia servo, ĝis li en la jaro 1963 fariĝis trafikinspektoro en Hammar, distrikto de NSB.

PRESENTADO DE LA SEKRETARIO-KANDIDATO

E. Henning OLSEN



E. Henning OLSEN naskiĝis en 1930 kaj komencis deŝtati kiel trafikserva lernanto ĉe DSB la 1an de septembro 1947.

Li okupiĝis dum la deŝtato pri pluraj specoj de la trafiko, precipe vartrafiko (1973-79 kiel vic-estro de la kopenhaga varterminalo), kaj ekde 01.10.79 en la ĉefregadeja servo en Næstved.

Li eklernis Esperanton en 1948, ali-

Dum mallonga periodo li estis anstataŭanto por unu el la direktoroj en la ĉefadministracio de NSB, ĝis li fariĝis distrikĉefo por Bergen distrikto de NSB, unu el la plej signifoplenaj postenoj de la norvegaj fervojoj.

Per ENGEN fariĝis esperantisto, kiam li estis tre juna knabo, kaj li ĉiam estis ege entuziasma samideano. Precipe li montris bonegajn laborfortojn dum la organizado de la 17a kongreso de IFEF en Hammar, 1965.

Li poste kunlaboris en la Fervoja Terminaro, Norvega-Esperanto, Esperanto-Norvega, kiu aperis 1968. Li partoprenis en kelkaj IFEF-kongresoj kaj estas norvega IFEF-komitatano, krome delegito de UEA kaj landa reprezentanto en Norvegio por SAT.

Ĝis al DEFA en 1950, partoprenis la IFEF-kongresojn en Parizo (51), Verona (54), Zŭrich (55), Stokholmo (56), Rijeka (57), Århus (58 - kiel helpanto en la gazetara servo), Bruselo (64), Århus (73 - kiel helpanto en la gazetara servo), Swanwick (77 - helpanto en la gazetara servo), Romo (78), Turku (79 - en la gazetara servo). Aktivis en la 50aj en klubo en Kopenhago, kaj komence de la 60aj precipe en "Eldonejo KOKO". Aktivis en DEFA, i.a. depost majo 1971 kiel redaktoro de DEFA-bulteno. Kunlaboris pri ellaborado de novaĵo kaj regularo de DEFA (1978), partoprenas starigon kaj evoluadon de loka (nefaka) E-unuigo en Næstved, kiu en sia 26-monata vivo jam 3 foje aranĝis publikan ekspozicion lige al urbaj kulturaj tagoj kaj alimaniere aktivis, i.a. per aranĝo de la dana Esperanto Jarkongreso 1980.

REDAKTORA RAPORTO

Dum la jaro 1979 nia bulteno aperis regule, kaj ni liveris al vi entute 84 paĝojn (kiel en 1978).

Unue mi konstatas, ke post alvoko dum la IFEF-kongreso en Turku, mi ricevis artikolojn el landaj sekcioj pri ilia aktiveco. Tio tre ĝojigas min, kaj mi dankas varme la kolegojn, kiuj kuraĝis verki artikolojn pri la vivo de sia asocio. Inter ili mi volas speciale menciigi niajn ĉefajn kaj italajn geamikojn, kiuj tre regule informas nin.

Tiukaze mi petas al ĉiuj verkontoj bonvolu pensi, ke ni ne devas - nek povas - aperi tre longajn tekstojn en IF. Do, mi petas, ne sendu raportojn pli ol unupaĝajn... Dankon pro via komprenemo.

Pri la enhavo de IF en 1979 mi notis ankaŭ 2 faktojn:
- la reago de niaj kolegoj de GDR (Germana Demokrata Respubliko),

kiuj prave insistis, ke ni ne plu intermiksi FRG-on (Federacian Respublikon Germanio) kaj GDR-on. Estas ja mia tasko kontroli tion, sed vi mem ankaŭ povas zorgi por eviti tiun miskomprenon, kiam vi verkas.

- la rubriko "Libera Tribuno" revigliĝis dank'al nia linca amikino G.G. La problemoj, kiun ŝi starigis, ŝajne interesis kolegojn el diversaj landoj, kiuj sendis kontribuojn al tiu diskuto. Tio estas eble pruvo de la intereso de la legantoj al la enhavo de IF kaj ankaŭ al la problemoj de IFEF.

Fine mi ricevis bondeziraĵojn, kaj al ĉiuj mi ne povis respondi. Estas do bona okazo por mi reciproke deziri al vi ĉiuj - karaj legantoj - feliĉan jaron 1980, kaj denove mi diras al vi: "Skribu ĉiam pli por via IF-bulteno kaj ne timu sendi kritikojn...". Dankon.

La redaktoro



21-a IFES en PLAN VAL GARDENA (Italio)

GLUMARKO

Okaze de la 21-a Internacia Fervojista Esperanto-Skisemajno "IFES" en Plan Val Gardena (de la 26-a de januaro ĝis la 2-a de februaro 1980) oni eldonis dukoloran grandformatan glumarkon kun la emblemo de la IFES. Ĝi estas havebla ĉe: Kav.p.i. Germano Gimelli, Via Donato Creti, 61, I-40128 Bologna (Italio).

La kvarglumarka folio kostas 250 italajn lirojn plus la sendkoston. Pagoj per poŝtĉekkonto 19336403 titolita al IFEA (Itala Fervojista Esperanto-Asocio) en Bologna (supra adreso).

NEKROLOGOJ

Hispanio.

La pioniro JAIME MIRÓ GINÉ, esperantisto de post 1912, forpasis en Madrido en oktobro, je la aĝo de 86 jaroj.

Li estis unu el la unuaj hispanaj fervojaj esperantistoj, kaj li agadis dum sia tuta vivo kreinte grupojn en diversaj urboj, kie li loĝis. En 1926 li fondis la "Fervojan Esperantan Ligon" kaj, fine, en 1954 Hispanio povis aliĝi al IFEF. En 1969, dum la kongreso de Avignon, li estis honorigita pro sia grandega laboro.

HEFA admiris lian obstinon por nia idealo, kaj IFEF ne forgesos lin.

Germanio.

La 10-an de decembro 1979 mortis en Bremen nia kolego PAUL BUCHWALD.

Kiel fervoja inĝeniero li grave kontribuis al la konstruo de la "Birdflug-linio" inter Germanio kaj Danlando. Dum longaj jaroj li estis modesta kaj tre fidela membro kaj ofte partoprenis E-arangojn en- kaj eksterlande.

La 18-an de decembro forlasis nin post longa malsano FRIEDRICH NICKEL, Hagen/Westfalio. Dum la lasta renkontiĝo de la GEFA-senioroj en Kassel li jam mankis, sed en antaŭaj jaroj li vigle kaj interesigite partoprenis tiajn arangojn.

GEFA kaj IFEF perdis valorajn kaj fidindajn membrojn.

Ni tenu ilin en bona memoro.

Ili ripozu en paco.

IFEF

LIBERA TRIBUNO

Noto de la redaktoro:

Sekve de la artikoloj de f-ino G. Gössel en IF 5 (paĝo 70) kaj s-ro van Leeuwen en IF 6 (paĝo 74), mi ricevis diversajn artikolojn, kiuj alportas kontribuon al la koncerna problemo. Mi publikigas nun 2 el ili (Italio kaj Danio); la aliaj(j)n vi trovos en la sekvontaj numeroj.

Rd.

- De G. Gimelli (Italio)

Al la redaktoro:

Ŝiatempe mi legis en "Libera Tribuno" la leteron de "G.G." pri niaj IFEF-kongresoj, kaj intencis skribi al vi pri tiu temo. Iom mi hezitis, ĉar ankaŭ mi estas G.G. kaj opinio, ke oni povis pensi, ke mi estis la aŭtoro de la pensoj "Esperanto en izolado". Nun mi legis la malfermitan leteron de amiko Wim van Leeuwen, kaj restas al mi diri la jenon:

"Ni klopodis, klopodas kaj klopodos por ke niaj lernantoj vizitu niajn kongresojn kaj kunvenojn por havi la eblecon, ne nur perfektigi en la lingvoscio, sed ankaŭ enpenetri en la socian moralon de la lingvo kaj movado. Nome, mallonge, praktiki la "interna-ideo"-n de la lingvo, kiun d-ro Zamenhof aparte pripensis kaj rekomendis.

Do necesas, laŭ mia opinio, ke niaj novbakitaj esperantistoj renkontiĝos kun aliaj esperantistoj: esperantistoj kun esperantistoj, ankaŭ sen hejtigita banejo kaj eventuale ankaŭ sen "Koloseo" aŭ "Sankta Stefano" aŭ aliaj turismaj allogaĵoj. Do, laŭ mia modesta opinio, estas ni esperantistoj (novaj kaj malnovaj), kiuj devas vigligi la renkontiĝojn kaj agra-bligi la debatojn kaj la kunestadon.

Certe mi komprenas bonege la

flankon de la elspezoj, ĉar kiel italo kun malforta valuto, ĉie devas pagi ankaŭ pli ol la aliaj pro la malfavora kurzo de nia liro. Do, lasta rekomendo: igu la restad-koston por niaj renkontiĝoj plej eble malaltaj, kaj akompanu tien amase viajn lernantojn."

Germano Gimelli.

- De H. Hauge (Danio)

Al la redaktoro de IF:

Impresoj pri la kongresejo. Kiam mi legas pri iu loko, mi kutime laŭ la priskriboj imagas al mi, kiel aspektas tiu loko, kaj ofte okazas, ke la antaŭa imago tute ne similas al la posta memvido. Same okazis pri la kongresejo en Ameri-ca, Nederlando. Mi legis en diversaj gazetoj pri tiu kongresejo, kaj mi havis la imagon, ke ĝi estis iu netrovebla, izolita kaj primitiva konstruaĵo fore en la kamparo. Sed kia surprizo, kiam mi en novembro vizitis la kongresojn. La estraro okazigis sian ordinaran kunvenon ĝuste tie, kaj ni tiel havis la okazon mem vidi la tutan aferon. Kaj ĝi ege plaĉis al mi.

La bangaloj, en kiuj la kongresanoj devas loĝi estas tre modernaj domoj kun ĉiuj modernaj instalaĵoj kaj ĉiuj bezonaĵoj por travivi agrablan semajnon - aŭ eĉ pliajn. En la centro estas granda butikio, en kiu oni povas aĉeti ĉiajn ĉiutagajn bezonaĵojn, kaj ĉiujn manĝaĵojn oni ricevas en granda bone ekipita restoracio.

Kaj kion fari, se oni ne emas partopreni la kongresajn kunsidojn? Ekzistas multaj eblecoj. En la bangalo vi povas rigardi mi ne scias kiom da televidaj programoj, trinkante bonkvalitan malmultekostan vinon, aĉetitan en la antaŭe menciita butikio. Aŭ vi povas iri al unu el la tri restoracioj, kiuj ankaŭ troviĝas en la

centro. Vi povas ludi keglojn aŭ tenison. Vi povas lui biciklon kaj veturi por rigardi la ĉirkaŭaĵojn, kaj se vi post tiuj aktivecoj iom ŝvitas, vi povas refreŝigi en la lago aŭ en la naĝejo, kiu havas varmigitan akvon.

Laŭ mi unu semajno ne sufiĉas por provi ĉiujn eblecojn, sed se vi tamen havas iom da libera tempo, vi facile povas atingi la stacion Horst-Sevenum piede aŭ per taksio, kaj de tie vi povas vojaĝi al la grandaj urboj, kie certe troviĝas aliaj eblecoj por distri vin.

Mi almenaŭ ne post tiu vizito timas la izolecon, ĉar efektive ĝi nur ekzistas en la fantazio de LKK. Cetero vi ja facile trovos aliajn kongresanojn en la proksimeco kaj do havos unikan eblecon por paroli la internacian lingvon, kaj ĉu ne ankaŭ tio estas kongresa celo?

Mi konsilas al tiuj, kiuj ankoraŭ ne decidis aliĝi, ne faru al vi imagojn pri la kongresejo, ne timu izolecon. Venu mem por konstati, ke la vero estas tute alia.

Henning Hauge

LA FERVOJA LEKSIKONO.

FERVOJA LEKSIKONO franca-Esperanta, 165 paĝoj en formato 15 x 21 cm, kun indekso en Esperanto kaj diversaj listoj.

Mendu rekte ĉe s-ro BLONDEAUX, Rue de Gléviau, 29125 Locudi, sendante 26 FF al lia poŝta konto n-ro 10 094-42 A - Paris - bank-ĉekkonto neakceptebla.

Ne-fervojistoj bonvolu mendi la libron ĉe UFE-Paris aŭ ĉe UEA, Rotterdam.

VIA KALENDARO POR 1980

65-a UNIVERSALA KONGRE-
SO DE ESPERANTO.

Stockholmo (Svedujo) 1980 08 02-09
Konstanta adresco: Nwe. Binnenweg
176, 3015 BJ Rotterdam, Nederlan-
do.

Adresco de LKK: Box 4009, S-122 04
Stockholm-Enskede, Svedujo.

ESPERANTISTA
KULTURDOMO
Kastelo Grésillon
F-49150 Baugé

Kiel kutime, la
somera sezono en
"Grésillon"
1-a de julio/ 1-a
de septembro 1980

dividiĝos en tri ĉefaj periodoj:

Unua periodo: Prelegoj
de mardo la 1-a de julio ĝis lundo
la 21-a de julio
- diverstemaj prelegoj
- Diskutoj
- Praktikado kaj studado de la lingvo
- Ekskursoj

Dua periodo: Kursoj
de merkredo la 23-a de julio ĝis
lundo la 11-a de aŭgusto
- Rektmetoda kurso por komencantoj
- Grupa praktikado
- Studado de la lingvo (tradukado,
studado de verkoj ...)
- Manlaboroj
- Ekskursoj

Tria periodo: Artlaboro
de merkredo la 13-a de aŭgusto ĝis
lundo la 1-a de septembro
- Fotoarto (fotado, rivelado, pre-
zento de fotoj ...)
- Folkloraj dancoj
- Studado kaj praktikado de la lingvo
- Ekskursoj

N.B. Sesioj de eksamenoj estos or-

ganizitaj, kvankam la celo de la
kursoj ne estas la preparado de tiuj
ekzamenoj.

Petu pliajn informojn, tarifojn, ĉe
la ĉi-supra adresco, kontraŭ res-
pondkuponoj. Enskribiĝu sufiĉe frue.

ESPERANTO-SOCIETO UNUECO
Krommenie/Assendelft (Nederlando)
Sekretario: J. Th. Fischer
1562 TD Krommenie,
1979 11 07
Gagarinstraat 104

Kiel jam dum pli ol 20 antaŭaj ja-
roj ankaŭ en 1980 la Esperanto-so-
cieto UNUECO okazigos "Internacian
Esperanto-Ferio-Semajno'n", ĉifoje
en la kadro de la 700-jarfersto de
Krommeniedijk. La datoj estas jenaj:
10-a ĝis la 17-a de aŭgusto 1980,
limdato por la aliĝo: 1-a de majo
1980. Prezo 220,- nederlandaj gul-
denoj. Informojn kaj aliĝilon ekster-
landaj geesperantistoj petu ĉe la
sekretario.

UNUA TUT-AMERIKA E-KONGRESO

Al la esperantistaro de la tuta mon-
do ni informas ke de la 12-a ĝis la
15-a de julio 1980 okazos en la urbo
San Luis, Argentino, la Unua Tut-
Amerika Esperanto-Kongreso.
La organizantoj entreprenis la stari-
gon de aktuala impona ekspozicio,
kaj tial oni petas esperantistojn de
la tuta mondo, ke ili sendu salutojn
por la kongreso. Libroj, revuoj,
bultenoj en Esperanto estos bonven-
ataj.
Bonvolu adresi vian korespondadon
al: 1-a Tut-Amerika Esperanto-
Kongreso, Casilla Correo Central
289, 2000 Rosario - Argentino.

Enrique Kohei
respondeculo pri Internaciaj Rilatoj

KOREKTO

Sur paĝo 71 (IF 6/79) estas skribita: "la unua korektfolio por la IFEF-sta-
tuto estas trovebla sur paĝo 92 de 6/76" - Bonvolu legi "6/77".

EL NIAJ LANDAJ SEKCIOJ

Italio.

"Ferro-79".
La Fervojistoj de Bologna, pere de
"Dopolavoro Ferroviario" (Itala
FISAIC-Sekcio), entreprenis gravan
kulturan penadon, nome la eldonadon
de du-voluma libro: "I ferrovieri
sulle strade ferrate dell'Emilia-
Romagna" (La fervojistoj sur la
fervoj-linioj de Emilia-Romagna)
kun antaŭparolo de la Ĝenerala Di-
rektoro de FS, d-ro Ercole Semenza.

La manifestacio entenit, krom la
prezentado de la libro, plurajn el-
montrojn: Nacian prezentadon de in-
fan-desegnaĵoj (oportune dediĉita al
la Internacia Jaro de la Infanoj); de
hobioj kaj kolektado, de filatelio,
fotografio, fervojaj modeloj, fine
ekspoziciojn vidan kaj dokumentitan
pri Esperanto.
En la kadro de tiu grava kultura e-
vento la Bologna Esperantistaro gra-
ve rolis. La jam cititaj elmontroj,
inaŭguritaj la 24-an de oktobro de la
Fervoja Departementestro inĝ. Ric-
ciardi, daŭris ĝis la 4-a de novem-
bro kun multnombraj vizitantoj, pre-
cipe grupoj da geknaboj de la Bo-
lognaj lernejoj, akompanataj de la
instruistoj.

Sed la plej trafa Esperanto-mani-
festacio okazis la 4-an de novem-
bro en la kinejo "Settebello", kie
okazis konferenco-debato de d-ro
Menabene el Romo pri la temo: "La
lingva problemo en la internacia la-
borista medio".
Enkondukis la manifestacion s-roj
Ceci, prezidanto, kaj Turrini, kul-
tura konsilanto, kiuj en la nomo de
"Dopolavoro Ferroviario", kiu gas-

tigis nin, dankis kaj bonvenigis la
ĉeestantojn kaj premiis niajn aktiv-
ulojn per arta ŝildo aparte eldonita
memore de "Ferro 79". Ĉeestis
prof-ro Dazzini, prezidanto de Itala
Esperanto Federacio, kiu mallonge
salutis la ĉeestantojn kaj dankante
gratulis la organizantojn.
Ankaŭ tri eksterlandaj samideanoj,
kiuj ĉeestis, salutis la ĉeestantaro,
Kolego Karl Pscheidt el Germanio
inter alie invitis al la postvenonta
IFEF-kongreso, kiu ĝuste okazos en
lia urbo Regensburg, la iama ro-
mia "Ratisbona", dum la jaro 1981.
Du pollandaj samideanoj portis la
salutojn de la lando de nia majstro,
kaj de ilia urbo Krakow, ĝemeligita
kun Bologna.

Post la debato la konata Esperanto-
kantaŭtoro Gianfranco Molle el Ro-
mo kun la kantistino Marcella pre-
zentis tre interesan programon de
Esperanto-kanzonoj.
Dum paŭzo oni disdonis la diplomojn
al la pasintjaraj kursanoj kaj anon-
cis la tujan komencon de pluraj Es-
peranto-kursoj en Bologna, ĉe DLF
kaj aliloke. Plie oni disdonis pli ol
100 atestojn de partopreno en la
Esperanto-kursoj starigitaj ĉe la e-
lementaj kaj mezgradaj lernejoj de
la urbo.

Germano Gimelli

Danio:
Dum la reprezentantara kunveno de
DJIF (Sporta kaj Libertempa Asocio
de la Danaj Fervojoj) - la dana
FISAIC-sekcio - oni atribuis al DEFA
Honorpokalono pro alta aktivec-
nivele kaj efika laboro dum la pas-
inta jaro.
Krome al la prezidanto de DEFA,
Henning Hauge, oni donis gvidant-

pokalon pro bona kaj efika gvidado de asocio.

Dum la tuta kunveno oni povis senti la rekonon kaj la bonan reputacion, kiun guas la esperantanoj en tiu "ekstermovada" medio.

DJIF estas dividita en 3 fakojn, la sportan, la kulturan kaj la muzikan.

Esperanto kompreneble apartenas al la kultura, kune kun brigo, folkloro, fotado kaj mallarg-filmdo, arto, radiofonio, kolektantoj, ĥorkantado kaj veteranoj.

Ĉiu el la tri fakoj havas estraron, kaj ĉar la prezidanto de la Kultura Fakoj pro maljuniĝo kaj multjara deforo deziris retiriĝi, oni elektis kiel novan "kulturan" prezidanton Henning Hauge, DEFA.

DEFA

Dana Esperanto
Jarkongreso 1980.

Kune kun la aliaj danaj Esperanto-organizaĵoj DEFA okazigos jarkongreson en la sudselanda urbo Næstved dum la semajnfino 11-a - 13-a de aprilo 1980.

La programo ampleksas - krom la ĝeneralajn kunvenojn - prelegserion pri ENERGIO (dum kiu prelegos i a parlamentano Erik Holst, prezidanto de la energikomisiono de la dana parlamento, kaj kontorestro en la ŝtata revizia departemento, la konata esperantano Svend Dragsted) kaj la kutimajn malstreĉigajn erojn: sabatvesperan feston, promenadon tra interesaj urbopartoj, ekskurson al vitrofarejo ktp.

Petu la invitbroŝuron kun multaj utilaj informoj ĉe:
Dana Esperanto-Jarkongreso,
Fyrrevænget 4, DK-4700 Næstved.

Kaj bonvenon al Næstved, urbo malnova laŭ jaroj, sed juna laŭ animo - urbo kun aktiva Esperanto-agado.

DEFA



Gravaj Enhavaĵoj

	paĝo
Artikolo de la IFEF-prezidanto	2
32-a IFEF-Kongreso	4
Kongresproponoj	7
Tagordoj	8

La redaktotino por la venonta IF estas 10.03.80.

Preso: Esperanto-Centro, Århus.